

Na osnovu člana 51. Statuta Bošnjačkog nacionalnog vijeća u Republici Srbiji broj: 54-12/2018 od 08. decembra 2018. godine, Odbor za službenu upotrebu bosanskog jezika i pisma Bošnjačkog nacionalnog vijeća u Republici Srbiji na sjednici održanoj dana, 1. februara 2019. godine, donio je

**P O S L O V N I K   O   R A D U**  
Odbora za službenu upotrebu bosanskog jezika i pisma

**I. OPŠTE ODREDBE**

Član 1.

Ovim Poslovníkom o radu uređuje se konstituisanje i način rada Odbor za službenu upotrebu bosanskog jezika i pisma Bošnjačkog nacionalnog vijeća u Republici Srbiji (u daljem tekstu: Odbor), način i ostvarivanje prava i dužnosti predsjednika, zamjenika predsjednika i članova Odbora.

**II KONSTITUISANJE ODBORA**

**Prva konstitutivna sjednica**

Član 2.

Prvu konstitutivnu sjednicu Odbora saziva predsjednik Vijeća ili predsjednik Izvršnog odbora Vijeća.

Član 3.

Na prvoj konstitutivnoj sjednici usvaja se Poslovník o radu Odbora.

Član 4.

Nakon usvojenog Poslovníka o radu Odbor počinje da radi po načelima usvojenog Poslovníka.

### **III ORGANIZACIJA ODBORA**

#### **Odbor**

##### **Član 5.**

Odbor za službenu upotrebu bosanskog jezika i pisma Vijeća:

- 1) priprema prijedloge odluka Vijeća i Izvršnog odbora Vijeća;
- 2) pripremaju strategije, planove, programe, platforme i pokreću inicijative za potrebe Vijeće radi ostvarivanja prava Bošnjaka garantovanih Ustavom i zakonom;
- 3) pripremaju strategije, planove, programe, platforme i pokreću inicijative radi ostvarivanja ovlaštenja Vijeća propisanih Ustavom i zakonom;
- 4) daju mišljenja u vezi prijedloga za dnevni red sjednica Vijeća i Izvršnog odbora Vijeća;
- 5) daju saglasnost na zahtjeve, programe, projekte, strategije i planove iz oblasti za koju su obrazovani;
- 6) iniciraju raspravu o pojedinim pitanjima po hitnom postupku;
- 7) donose Poslovnik o radu odbora i druga akta vezana za svoj rad;
- 8) obavljaju i druge poslove u skladu sa zakonom, Statutom i odlukama Vijeća.

#### **Predsjednik i članovi Odbora**

##### **Član 6.**

Odbor ima predsjednika, zamjenika predsjednika i 5 članova Odbora (ukupno sedam).

##### **Član 7.**

Predsjednika, zamjenika predsjednika i članove odbora imenuje Vijeće na prijedlog predsjednika Vijeća, Izvršnog odbora Vijeća ili najmanje jedne trećine (1/3) članova Vijeća.

##### **Član 8.**

Mandat predsjednika, zamjenika predsjednika i članova Odbora traje koliko i mandatni period za koji je izabrano Vijeće.

### **IV RAD ODBORA**

##### **Član 9.**

Odbor radi u sjednicama.

Sjednice Odbora su javne osim u slučaju ako Odbor donese odluku da radi u zatvorenim sjednicama.

Sjednicu Odbora saziva predsjednik Odbora, ili član Odbora koga on ovlasti.

#### Član 10.

Predsjednik odbora saziva sjednicu po sopstvenoj inicijativi, na prijedlog predsjednika, potpredsjednika, predsjednika Izvršnog odbora ili sekretara Vijeća, kao i na prijedlog većine članova Odbora.

#### Član 11.

Sjednica Odbora zakazuje se pismenim putem, a u izuzetnim slučajevima može se zakazati telefonskim putem.

Uz saziv sjednice sa dnevnim redom i pozivom dostavlja se i materijal za sjednicu sa mjestom i vremenom održavanja sjednice.

Sjednica Odbora zakazuje se tri dana prije održavanja, a u izuzetnim slučajevima ovaj rok može biti i kraći.

#### Član 12.

U radu sjednice učestvuju predsjednik, zamjenika predsjednika i članovi Odbora, a po potrebi mogu učestvovati i predsjednik, potpredsjednik, predsjednik Izvršnog odbora i sekretar Vijeća, članovi Izvršnog odbora Vijeća kao i naučni, javni, kulturni i stručni saradnici bez prava odlučivanja.

#### Član 13.

Na početku sjednice utvrđuje se kvorum kao i dnevni red sjednice.

Odbor može raditi i punopravno odlučivati ako sjednici prisustvuje većina članova Odbora.

#### Član 14.

Odbor je dužan da na zahtjev predsjednika Vijeća, predsjednika Izvršnog odbora Vijeća, sekretara Vijeća, kao i na zahtjev većine članova Odbora razmotri svako pitanje i materijale iz svoje nadležnosti, zauzme stav, donese svoje mišljenje i u pismenoj formi dostavi ga predlagaču.

#### Član 15.

Izveštaj Odbora podnosi predsjednik Odbora, a može ga podnijeti zamjenik predsjednika ili član Odbora ukoliko ga odredi i ovlasti Odbor.

#### Član 16.

Odluke na Odboru donose se glasanjem.

Odluka je usvojena ako je za nju glasala većina prisutnih članova Odbora.

#### Član 17.

O radu sjednica Odbora vodi se zapisnik.

Zapisnik sa sjednice Odbora potpisuje predsjednik Odbora i stručni saradnik u Vijeću koji se stara o njegovom čuvanju.

## **V. ODRŽAVANJE REDA NA SJEDNICI**

### **Član 18.**

O radu sjednice i održavanju reda brine se predsjednik Odbora.

Za povredu reda na sjednici predsjednik odbora može izreći mjeru upozorenja ili oduzimanje riječi.

Na prijedlog predsjednika Odbora, Odbor može izreći mjeru udaljenja sa sjednice za člana odbora ili za lice koje prisustvuje sjednici odbora, koje narušava red na sjednici, ponaša se suprotno odredbama ovog poslovnika i onemogućava rad odbora.

### **Član 19.**

Pravila o održavanju reda na sjednici primjenjuju se i na ostale učesnike sjednice.

## **VI. OSTVARIVANJE PRAVA I DUŽNOSTI PREDSJEDNIKA I ČLANOVA ODBORA**

### **Član 20.**

Predsjednik, zamjenik predsjednika i članovi Odbora stiču pravo i obaveze danom konstituisanja odbora.

Predsjedniku Odbora uručuje se odluka o izboru predsjednika, zamjenika predsjednika i članova odbora Vijeća.

### **Član 21.**

Član Odbora ima pravo i dužnost da prisustvuje sjednici i učestvuje u njenom radu i odlučivanju.

### **Član 22.**

Član Odbora koji je spriječen da prisustvuje sjednici dužan je da o tome blagovremeno obavijesti predsjednika Odbora.

## **VII. PRELAZNE I ZAVRŠNE ODREDBE**

### **Član 23.**

Na sva pitanja koja nisu uređena ovim Poslovníkom o radu, primenjlivaće se odredbe Poslovnika o radu Izvršnog odbora Bošnjackog nacionalnog vijeća u Republici Srbiji.

Član 24.

Ovaj Poslovnik stupa na snagu danom donošenja.  
Ovaj Poslovnik objaviti na službenoj internet stranici Vijeća

U Novom Pazaru, 4. februara 2019. godine  
Broj: 99A-12/2019

BOŠNJAČKO NACIONALNO VIJEĆE U REPUBLICI SRBIJI  
ODBOR ZA SLUŽBENU UPOTREBU BOSANSKOG JEZIKA I PISMA  
Enis Zeković, predsjednik